



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**IGREYIDI 12**

**ISINDEBELE ILIMI LEKHAYA (HL)**

**IPHEPHA LESITHATHU (P3)**

**NOVEMBA 2024**

**IMITLOMELO: 100**

**ISIKHATHI: Ama-iri ama-3**

**Iphepha lemibuzweli linamakhasi ama-6.**

**YELELA**

1. Iphepheli LINEENGABA EZIMBILI, u-A no-B.

ISIGABA A: Amatheksthi wokuzitlamela (Ama-eseyi) (50)

ISIGABA B: Amatheksthi wokuthintana (2 x 25) (50)

**YELELA:** Abafundi bakatelelekile bona baphendule MIBILI imibuzo KUSIGABA B.

2. Phendula umbuzo OWODWA ESIGABENI A nemibuzo EMIBILI ESIGABENI B.
3. Tlola ngelimi ohlolwa ngalo.
4. Thoma ISIGABA ESINYE NESINYE nombuzo OMUNYE NOMUNYE ekhasini ELITJHA.
5. KUSIGABA A kufuze uhlele (usebenzise umebhengqondo, idayagramu/ Iflowutjhadi/amagama amumongo, njll.), uqinisekise bona umsebenzakho awunazo iimphoso. Ukuhlela kwakho akuvele nofana kubonakale NGAPHAMBI kwe-eseyakho.
6. Ukuhlela kwakho ukutlole kule kubonakale ekhasini lokuthoma bese uthoma i-eseyakho ekhasini elilandelako.
7. Isikhathi esiphakanyisweko sokutlola isigaba ngasinye:
- ISIGABA A: Pheze imizuzu ema-100
- ISIGABA B: Pheze imizuzu ema-(2 x 40) 80
8. Tlola iinomboro zeempendulo zakho zifane patsi nangendlela ezinonjorwe ngayo ephepheni lemibuzo.
9. Isihloko asingabalwa nakubalwa inani lamagama.
10. Tlola ngesandla esihle nesibonakalako.

**ISIGABA A: AMATHEKSTHI WOKUZITLAMELA (AMA-ESEYI)****UMBUZO 1**

Khetha isihloko ESISODWA utlole ngaso i-eseyi engaba magama ama-340–390. .

Kufuze uthome ngokutlola okukodwa kwalokhu: (umebhengqondo, idayagramu/ iflowutjhadi/amagama amumongo, njll.)

- 1.1 Lesi sisehlakalo esangenza ngalemuka bona kuqakatheke kangangani ukulibalela umuntu [50]
- 1.2 Budlelwano bami nabentwana bakwethu obungifikise lapha ngikhona namhlanje [50]
- 1.3 Umlingisi engimthandako nengifisa ukufana naye [50]
- 1.4 Itjhuguluko epilwenami lalethwa kuhlangana naye [50]
- 1.5 Sisenzo esihle ukobana ababelethi bakukhethela ibizelo kodwana kuba neentjhijilo lokha nasele ungaphakathi kwalo [50]
- 1.6 Kukhulela emndenini otlhagako okungakwenza bona uphumelele epilweni. Vumelana nofana uphikisane nesitatimendesi. [50]

Qalisisa iinthombe ezingenzasi ukhethe ESISODWA bese uzitlamela i-eseyi uyinikele isihloko esiyifaneleko. Tjheja: Isithombe ne-eseyakho azikhambelane kuhle.

1.7



[Sithethwe ku-[www.images.com](http://www.images.com)]

[50]

1.8



[Sithethwe ku-[www.images.com](http://www.images.com)]

[50]

**IMITLOMELO YESIGABA A: 50**

**ISIGABA B: AMATHEKSTHI WOKUTHINTANA****UMBUZO 2**

Khetha iinhloko EZIMBILI bese utlola ngazo ngamagama ali-100 kufika kwali-120 isihloko NGASINYE.

**2.1 I-IMEYILI ENGAHALELEKI**

Umntwana owenza umnyaka wokuthoma eZikweni lezeFundo ePhakemeko eJwanasbhege nekuyindawo ehlukileko kunaleyo obuya kiyo. Tlolela umnakwenu okukhuthaze bona uze ezikweneli i-imeyili engakahleleki umcocele ngeentjhijilo ohlangabezana nazo endaweni le okufaka hlangana nalezo ohlangabezana nazo eZikweneli.

**[25]****2.2 INCWADI YABAKHULU/YANGOKOMTHETHO**

Bewusebenza umsebenzi wamatorho esitolo esithengisa izembatho ngamaholidi kaNobayeni nabegade usafunda isikolo. Njenganje uphumelele igreyidi le-12 kodwana awukghoni ukuragisela phambili iimfundo zakho ngebanga lokuthola imali. Tlolela umPhathisitolo ebegade usebenza kiso incwadi yabakhulu/yangokomthetho ubawe isizo lezeemali ukuze ukghone ukufeza ibhudango lakho.

**[25]****2.3 UMLANDO KAMUFI**

Kubelisizi nanihlongakalelwa ngumntamamakho obekalisekela lakatitjherehloko esikolweni samabanga aphasi endaweni yangekhenu. Umndeneni ubawe wena ukobana utlole umlando kamufi ozokufundelwa abantu ngelanga lomngcwabo. Tlola umlando kamufi.

**[25]****2.4 IKULUMO-PENDULWANO**

Ninombelethako nithe naniqeda ukwehla isikhwelo somphakathi nibuya edorobheni nadlula ephageni lapho nibone abentwana abafunda amabanga aphasi bazithabisa ngendlela engakalungi, basela utjwala, babhema igwayi abanye babhema i-*hubbly*. Lokhu kwenze bona nicine sele nicoca ngezenzo ezenziwa bentwanaba nemiphumela yazo. Tlola ikulumo-pendulwano ebe phakathi kwakho nombelethakho.

**[25]****2.5 IKULUMO ENGAHALELEKI**

Ninabentwana bakwenu nikhambele umnyanya wakamzawakho wokugidinga ilanga lakhe lamabeletho. Isikhulumi ebegade silindelwe ukobana sizokwethula ikulumo sibhalelwe kufika, njeke njengomuntu okhule naye bakubawe bona kube nguwe ozokwethula ikulumo emnyanyeni lo. Tlola ikulumo engakahleleki ozoyethula emnyanyeni lowo.

**[25]**

**2.6 I-ATHIKILI YEPHEPHANDABA**

Iinkolo sezavunyelwa ukuba nephephandaba elizokufundwa bafundi besikolweso nabanye bakezinye iinkolo. Wena-ke unikelwe ithuba lokobana utlole i-athikili ezokufakwa ephephandabenelo. Tlola i-athikili yephephandaba uyelelise abafundi ngokuqakatheka kokuba nebhudango/ibonelo phambili ngekusasa lakho nawumfundi.

**[25]**

**IMITLOMELO YESIGABA B: 50**  
**INANI LOKE: 100**